

Datum: 21.02.2018.

Broj: 06-01-712

Svim medijima – dostavlja se

TI BiH prezentuje Indeks percepcije korupcije (CPI) za 2017. godinu

Sarajevo, 21. februar 2018. – Transparency International u Bosni i Hercegovini (TI BiH) organizuje prezentaciju za medije na kojoj će predstaviti rezultate Indeksa percepcije korupcije (CPI) za 2017. godinu.

Transparency International svake godine objavljuje Indeks percepcije korupcije, koji mjeri percipirani nivo korupcije u javnom sektoru, a ove godine Indeks obuhvata 180 zemalja i teritorija širom svijeta, uključujući i Bosnu i Hercegovinu.

CPI predstavlja jedno od najrelevantnijih svjetskih istraživanja ovog tipa, jer omogućava praćenje napretka i međusobno poređenje među državama širom svijeta. CPI na osnovu relevantnih međunarodnih izvora dodjeljuje ocjene na skali od 0 do 100, gdje 0 predstavlja najviši nivo percipirane korupcije, dok 100 predstavlja najniži nivo korupcije.

Prezentacija za medije će se održati **u četvrtak, 22. februara 2018. godine u hotelu Europe u Sarajevu sa početkom u 10.00 sati.**

Medijima će se na prezentaciji obratiti Srđan Blagovčanin, predsjedavajući Upravnog odbora TI BiH i Ivana Korajlić, program menadžer za odnose s javnošću.